

菜香齋詩稿

卷

共 1 册 存 1 册 排架号 08537

菜香齋詩豪



北游草 己丑

初秋重過姑蘇

古杭一棹到蘇州碧水連天一片秋
婦女幾多事田畝人家都半住菱洲
瓊燈影亂三千舫茉莉花繁廿四樓
招悵昔年詩酒客至今誰復與同游

姑蘇懷柳敬甫

錢唐湖上共飲酒六七年來惜分予
鴻雁無蹤悵夢魂常覺隨君走
今君又客東海邊故人徒泊姑蘇



淡如秋

見面無由挂帆去江水悠悠空惘然

過揚子江夜泊瓜州

秋水乘槎好飄然海國東雄心萬里浪快意一帆風鏡
甕浮烟外金焦蕩眼中瓜州何處是燈火出波紅

揚州

秋來暑往屢蹉跎風雨淮南夜獨過可是雷塘人去後
至今螢火也無多

寂寥離宮半是苔錦帆無復向南來也知煬帝今何在
冷落瓊花不再開

檀板金尊樂肯休伊人何福住揚州無妨長作秦淮夢
不管西風向客愁

繁華原自說維揚秋月春花屢換場不信吐行三十里
黃沙風景漸蒼涼

邵伯鎮

謝傅湖頭晚泊船桅檣如箭水如烟不輸南國魚鰕賤
一稱肥鱖廿四錢

淮河

水聚卑都昏墊餘蘆塘一道接淮徐生民容易成魚蟹

祇與龍王閒壁居

淮陰懷古

一望蒼茫漾眼寒西風吹送過淮安千秋無恙清江水
何處韓侯舊釣竿

河朔道中

清秋結伴渡黃河雇輶官車兩馬駝挨站不嫌歸店早
出門長怕戴星多馬周旅况澆杯生甯戚情懷扣角歌
此去前程須努力年華難可再蹉跎

南沙河

輪蹄轉轆到門纔便有琵琶泥客陪不信塵沙打面處
忽然見出美人來

別友分路自渡汶河

名利牽人去何嫌路幾歧美君戴弓矢同行友為項穆
二孝廉武試址
上笑我挾毛錐汶水淡何極清風邈可思徘徊殊悵惘

獨立問津時

泰安道中曉發

脂車秣馬出茅關稜石嵯岬路正頑忽見淡烟微雨裏
青幾抹濟南山

旅感

入秋今又半節序送流輝白露凋葭葉西風冷客衣人
隨車土上心逐雁南飛休怨征途苦依人計本非

齊河縣

水浸城根萬樹垂齊河風物美堪思蒼黃一帶平疇路
正是梨香棗熟時

抵平原縣遇雨

車馬煩勞又決長桂花天氣客懷新蕭蕭正遇迎城雨
好為征夫洗路塵

平原縣

斗大孤城控朔方那堪景物太蒼涼泥搏屋宇都無柱
風起塵沙欲滿裳千里罕逢魚菜美萬家鮮識綺羅香
惟憐耕鑿勤農事近古淳風氣自長

呈平原君鄭星舟明府

濫竽今漫到齊門何好何能且莫論主是名賢情自篤
友逢舊識語尤溫春風許下陳蕃榻秋月欣開北海尊
且喜一時羣屐盛時同鄉馬蔚霞省元趙眉洲茂才張
若菴孝廉濟南劉又村高士均在席
不虛愛客屬平原

留客衙齋綠樹陰坐談常欲到更深交情耐久寧存古
時務難為莫過今休使蠅泥污白璧奚須燕市築黃金
問將何物訊知己惟有平生一片心。

奉訓

欽使那蘭汀恭頌原韻代鄭明府作

雲外飛來白雪詞文章意氣托相知迂疎自笑懷才薄
脫略渾忘位置卑幸借春風噓弱植更令秋水動遐思
幾時從事輶軒下負弩前驅曷敢辭

桃花暖處送行旌惆悵旂亭無限情且喜使星到分野
共稱瑞氣應階平雲橫驛道來飛雁柳拂 皇都聽轉

鶯惟念仁風忘不得聊憑郢曲和新聲

贈劉又邨高士

濟上劉高士賢才信可欽春風融物意秋水淡塵心守
道身如玉謀生硯有金相逢雖遠別休嘆少知音

平原度歲

踪跡三千里齊門笑濫等低徊雲外雁倏忽隙中駒景
物牽鄉思風霜逼歲除相依得良友客興未全孤

庚寅

郊眺

出城偶間矚無處不泥窩塵軟鋪平路冰頑凍裂河
樓檐雞侶攢吠客犬聲多只覺田夫樂墻根坐對歌

散步作消遣沿河取徑斜酒香官驛店燈暗梵王家場
圃村村碾牛驢處處車四郊今踏遍曾不見梅花

寄懷淳安周文爽庭徐大六絲汪大畫山兼懷朱

五小阮周大蓬山邵大太古

雅憑子墨結心期怡悵重逢又別離難得黃壚長鬪酒
幾時白社更塵詩旂亭贈策憐吾輩初余擬游京國徐大汪大邵大各有
贈齊市吹竽遇故知今客遊平原。肯為寄言朱小阮

蘭熏越釀最相思去夏余過小阮承

寄懷蕭山沈大心泉

青溪兩泊木蘭船氣誼思君更黯然為歎孤芳長獨賞
且因同病易相憐鶯花觸緒春三月雲樹關懷路幾千
今喜平原能愛客琴尊無恙似他年

寄懷言監州淦齋

舊歲聯舟下釣臺論交湖海興悠哉青衫聽曲同傷感
紅燭鈔詩見愛才今我平原遙作客問君京國幾時來
那堪又是春風裏楊柳如烟獨對杯

水仙花

仙人不易逢相對更軒渠似水一何淡得春常有餘瀟
湘原可約桃李近何如一笑風塵裏悠然且共居

暮春平原漫興

千里燕齊望眼餘輪蹄不斷接京華節交上巳猶飛雪
春到清明未見花何處登臨有山水一年幾日沒風沙
關河景物鄉園夢只覺因時便憶家

送春有感

旅邸逢春渡送春南船埽馬太無因驚心歲月同過客

轉眼烟花又謝塵節物不齊隨地改風光無異逐時新
去年記得青溪社觴詠流連覺可人

贈厯城增太令松巖代鄭明府作

衣冠儒雅氣軒昂肆應才誰與頽頽三異循聲榮薦簡
一同惠澤遍甘棠春風環佩神仙侶秋水襟期翰墨場
名譽如君真莫及不虛世胄出天潢

大令系本覺羅

宦海風波膽欲寒悔因五斗戀微官才慙布置原非易
交到知音大是難自許持躬希執玉豈虞覆餗累探丸

時平原有多煩口角陽春好記取深情托羽翰

路盜案

秋日濟南得劉又村高士同遊大明湖却寄

水木殊明戀清湖稱客遊有荷兼有柳宜
香火孤臣廟詩章名士樓得君對清景此處足勾留

遊趵突泉

一鑑方塘古三泉趵突雷掀雪浪飛派散銀煙變
幻能驚世虛靈合住仙地有呂祖祠從來活潑地最足證人
天

山蘭

王者香隨蔓草堆空山寂寂有誰來也知世少真知己

且對東風獨自開

濟南道中望燕京

燕趙戰爭地疆場今自寬黃河歸海近青岱接天寒氣
冷花難艷沙平馬快盤不愁紅日遠何處是長安

平原懷古

烽烟銷後夕陽寒毛薛方蒙國士看知道風塵須物色
賢才不盡出衣冠

附屬無常氣可羞桃園何怪獨千秋古今多少王侯輩
爵位難留義可留

書淫雅譽特超羣萬卷能存麻炬勲冒嫉無端到錦被
至今誰不笑迎君

鞏鼓漁陽動地來長城獨鞏敵鋒摧蒙塵天子方驚喜
不信書生有將才

讀劉誠意伯文集

青田先生神武姿丹山之鳳空谷駒開拓乾坤大作手
呼役神鬼為小知勛業巍巍垂宇宙武侯以後僅見之
嗚呼昔日一丞不見用公而忽為帝王師人才畢竟何
定評顯晦寧非係乎時孰知奇禍伏奸宄丹丸壓心非

其死徒留寓言齊老莊仙風邈焉郁離子

輓平原鄭星舟明府

琴堂月冷道山遙一世辛勤盡此朝受福不深難再補
有才未竟亦旋消斯民失望世憂憂眷屬傷心梁木凋
知否舊時門下客買絲欲繡太無聊

題曾小璘五真圖

君不見着空便迷着淨縛生生不已浸五濁壽名位貨

小璘我既慧業士也屢贈科場兼別有所感作
五真圖自况其一曰瀛洲小詞其二曰造化弄人
其三曰詩魔椰榆其四曰魑魅爭光其五曰聞香
得旨圖此五真遍索題詠率成長歌以應

熏人心夢幻空花勞把捉又不見認假為真真為假蜥
蜴為龍鹿為馬孰肯說法為現身太上無情聾且啞小
璘子生無愁一葦杭之海上游薜荔為衣荷為帽小謫
塵寰幾十秋道是君身有仙骨合教回首望瀛洲瀛洲
樂塵寰苦不去吹簫去打鼓神州沉却三萬年淹殺冤
魂不知數造化小兒慣美謔豈為儒生獨是薄癡兒大
都事強為那知暗裡埋線索胡姐蒼鶻變相多火風未
然烟且波吟詩也受椰揄苦為爾無端着了魔魑魅與
人隔半綫鏡中爭光形莫辨欲使鬼不與人爭何如不

留光一點大道本無隱乎爾勘破關頭能有幾塵世誰
為慧業人木犀香中早得旨天何言哉性即天俗思滑
之外物牽不迷不縛空且淨老莊告逝誰了然達哉書
生曾小璘證己之悟寫五真迷海至今難救藥請把斯
圖贈世人

止翁先生

台鑒

送上福貝子事實一冊係做徒徐宗麟

取本因有前遺稿

紙喚其緣副伊能留心搜索又有黃漢榮香齋稿一本詩不月多如入

選予知也現有請考徐宗麟卷一詩一理祈降格取附彙尾為幸此致

印信

前呈張大儒公詩也同定據下為要

鈞安

己酉月 初七日 晚中 項震新 去

溫州府 函 館

冊 漢 函 館